

**KOMISIJA ZA IZBOR JEDNOG/E NASTAVNIKA/ICE U ZVANJE DOCENTA NA
NAUČNOJ OBLASTI KOMPARATIVNO PRAVO:**

- Dr. Mehmed Bečić, vanredni profesor na Univerzitetu u Sarajevu – Pravnom fakultetu na naučnoj oblasti Pravna historija, predsjednik i član;
- Dr. Ehlimana Memišević, vanredni profesor Univerziteta u Sarajevu na naučnoj oblasti Pravna historija, članica;
- Dr. Amila Svraka Imamović, docent Univerziteta u Sarajevu na naučnoj oblasti Komparativno pravo, članica.

**UNIVERZITET U SARAJEVU - PRAVNI FAKULTET
VIJEĆU PRAVNOG FAKULTETA**

- ovdje

Sarajevo, 29. jula 2026. godine

PREDMET:

**Izveštaj sa prijedlogom za izbor u akademsko zvanje
docenta na naučnoj oblasti Komparativno pravo**

I. Podaci o objavljenom konkursu i formiranju Komisije

Na osnovu člana 121. u vezi sa članom 176. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22 i 28/25 – u daljem tekstu ZVO), članova 233. i 234. Statuta Univerziteta u Sarajevu, broj: 01-14-35-1/23 od 26. 7. 2023. godine, Odluke Senata Univerziteta u Sarajevu broj: 01-14-2/26 od 24. 06. 2026. godine, u skladu sa Odlukom o usvajanju dinamičkog plana potreba Univerziteta u Sarajevu - Pravnog fakulteta za izbor u studijskoj 2025/26. godini br. 01-972/25 od 3. 9. 2025. godine, Univerzitet u Sarajevu - Pravni

fakultet raspisao je **konkurs za izbor u akademsko zvanje nastavnika/ice u zvanje docent/ice na predmetima naučne blasti Komparativno pravo** sa punim radnim vremenom (redni broj 6. Dinamičkog plana potreba za raspisivanje konkursa za izbor u studijskoj 2025/26. godini koji je usvojen Odlukom br. 01-972/25 od 3. 9. 2025. godine).

Konkurs je objavljen 29. juna 2026. godine na službenoj internet stranici Pravnog fakulteta (www.pfsa.unsa.ba), službenoj internet stranici Univerziteta u Sarajevu (www.unsa.ba) te u dnevnom listu „Dnevni avaz“.

Zatim je, na osnovu člana 123. ZVO člana 236. stav 3. i 5. Statuta, Vijeće Pravnog fakulteta Univerziteta u Sarajevu (u daljem tekstu Vijeće) na 115. vanrednoj sjednici održanoj 17. 7. 2026. godine, donijelo Odluku o utvrđivanju adekvatnosti naučne oblasti (Odluka broj 01-1079-1/26), kojom se utvrđuje da je naučna oblast Pravna historija adekvatna naučnoj oblasti Komparativno pravo.

U skladu s tim je, na istoj sjednici od 17.07.2026. Vijeće donijelo Odluku o imenovanju Komisije za pripremanje prijedloga za izbor (broj: 01-1079-2/26), u sastavu:

- Dr. Mehmed Bečić, vanredni profesor na Univerzitetu u Sarajevu – Pravnom fakultetu na naučnoj oblasti Pravna historija, predsjednik i član;
- Dr. Ehlimana Memišević, vanredna profesorica na Univerzitetu u Sarajevu – Pravnom fakultetu na naučnoj oblasti Pravna historija, članica;
- Dr. Amila Svraka Imamović, docentica na Univerzitetu u Sarajevu – Pravnom fakultetu na naučnoj oblasti Komparativno pravo, članica.

Prema Odluci, imenovana Komisija ima zadatak da u roku od 30 dana od imenovanja Vijeću Pravnog fakulteta podnese pisani Izvještaj sa prijedlogom za izbor u akademsko zvanje.

U skladu sa navedenom Odlukom, Komisija je 22.07.2026. održala svoju prvu-konstituirajuću sjednicu, na kojoj je usvojila Poslovnik o radu komisije za izbor te pristupila razmatranju pristiglih prijava.

Komisija je konstatirala da je zaprimljena **jedna (1) prijava za izbor u akademsko zvanje docenta na naučnoj oblasti Komparativno pravo**, dok je Stručna služba potvrdila da je prijava blagovremeno i uredno podnesena.

Navedenu prijavu podnio je dr. sc. Tahir Herenda, viši asistent na Pravnom fakultetu Univerziteta u Sarajevu na naučnoj oblasti Komparativno pravo.

Uz prijavu, kandidat je podnio i sljedeću dokumentaciju:

1. Biografiju u štampanoj formi,
2. Izvod iz matične knjige rođenih (original),
3. Uvjerenje o državljanstvu (original),
4. Uvjerenje o stečenoj akademskoj tituli i naučnom zvanju doktor pravnih nauka i uvjerenje o položenim ispitima (original),
5. Ovjerena kopija diplome o stečenoj akademskoj tituli i zvanju magistar prava i ovjerena kopija dodatka diplomi,
6. Ovjerena kopija diplome o stečenoj akademskoj tituli i stručnom zvanju bakalaureat prava i ovjerena kopija dodatka diplomi,
7. Potvrda o radnopravnom statusu (original),
8. Lista objavljenih radova, kao i kopije sljedećih radova:
 - a) Prikaz knjige u časopisu: Herenda, Tahir. „An Uncharted Transition: The Balkans in the Post-Wall Era“ (prikaz knjige Christoph Solioza). *Pravna misao* (Sarajevo), br. 3-4 (2025): 62–66.
 - b) Poglavlje u knjizi: Išerić, Harun, i Tahir Herenda. „Citizens’ Assembly in Bosnia and Herzegovina: Opening the Window to Deliberative Democracy.“ U *The Dilemma of Constitutional Reform in Bosnia and Herzegovina: Discussing Options with a View to EU Accession*, uredili Maja Sahadžić, Tatjana Sekulić, Nevenko Vranješ i Jens Woelk, 298–321. Leiden: Brill | Nijhoff, 2024.
 - c) Članak u časopisu: Herenda, Tahir. „Imposing the Outcome vs. Imposing the Process: Lessons on Dependency Syndrome from Bosnia and Herzegovina and Northern Ireland.“ *Nationalism and Ethnic Politics* 32, br. 1 (2026).
 - d) Članak u časopisu: Herenda, Tahir. „The path dependency of power-sharing: Bosnia and Herzegovina's, Cyprus', and Lebanon's first experiences with popular representation.“ *Studies in Ethnicity and Nationalism* 24, br. 3 (2024): 1–16.
 - e) Poglavlje u knjizi: Herenda, Tahir, i Nasir Muftić. „Regulation of audiovisual media in Bosnia and Herzegovina – an overview: is the cure worse than the disease?“ U *Media*

Regulation during the COVID-19 Pandemic: A Study from Central and Eastern Europe,
uredili Gergely Gosztanyi i Elena Lazar, 217–240. UK: Ethics International Press Ltd,
2023.

8. Potvrda Odbora za osiguranje kvaliteta Univerziteta u Sarajevu – Pravnog fakulteta o evaluaciji akademskog osoblja (orginal),
9. Rezultati evaluacije rada akademskog osoblja objavljeni na sistemu E-UNSA, u printanoj formi kako slijedi:
 - za ljetni semestar ak. 2022/2023. godine,
 - za zimski semestar ak. 2023/2024. godine,
 - za ljetni semestar ak. 2023/2024. godine,
 - za zimski semestar ak. 2024/2025. godine,
 - za ljetni semestar ak. 2024/2025. godine,
 - za zimski semestar ak. 2025/2026. godine,
10. Priznanje za rezultate u naučnoistraživačkom radu i doprinos internacionalizaciji Fakulteta, dodijeljeno od strane Univerziteta u Sarajevu – Pravnog fakulteta, ovjerena kopija,
11. Certifikat o učešću na 2022/2023 ljetnoj školi na temu „Professional development in university teaching“ u organizaciji Centralnog Evropskog Univerziteta (CEU), kopija,
12. Ugovor o stipendiranju sa Europa-Institutom Univerziteta u Saarlandu od 27.07.2023, kopija,
13. Sporazum o teaching mobilnosti sa Univerzitetom u Sieni, kopija,
14. Sporazum o teaching mobilnosti sa Univerzitetom u Salentu, kopija,
15. Sporazum o teaching mobilnosti sa Univerzitetom u Cagliariu, kopija,
16. Program konferencije „Dayton at 30“ održane na Univerzitetu u Genevi, 14.10.2024, kopija
17. Pozivno pismo Queen's Univerziteta u Belfastu, 23.01.2024, kopija.

Nakon što je razmotrila podnesenu prijavu i priloženu dokumentaciju prijavljenog kandidata,
Komisija podnosi sljedeći

IZVJEŠTAJ

1. Uslovi za izbor u akademsko zvanje docent na Univerzitetu u Sarajevu

Članom 112, stav 2, pod d) ZVO propisani su sljedeći uslovi za izbor u akademsko zvanje docent:



1. naučni stepen doktora u naučnoj oblasti na koju se bira,
2. minimalno tri naučna rada objavljena u priznatim publikacijama, od čega je jedan naučni rad objavljen u publikaciji relevantnim naučnim bazama podataka.

Imajući u vidu konkretnu prijavu, Komisija zaključuje da je obavezna primijeniti član 176 ZVO, u kojem je propisano da svi članovi akademskog osoblja, koji su izabrani u akademsko zvanje prema odredbama zakona koji je prestao važiti stupanjem na snagu ZVO **zadržavaju pravo da budu izabrani u isto ili više akademsko zvanje prema uslovima propisanim ranijim zakonom.**

Imajući to u vidu, Komisija će uslove za izbor u akademsko zvanje za kandidata dr. sc. Tahira Herende cijeniti prema odredbama člana 96, stav (1), tačke d) Zakona o visokom obrazovanju ("Sluzbene novine Kantona Sarajevo" broj 33/17 – u daljem tekstu ZVO/17) gdje su za izbor nastavnika u zvanje docenta propisani sljedeći uslovi:

- a) stepen doktora nauka u datoj oblasti
- b) najmanje tri naučna rada objavljena u priznatim publikacijama koje se nalaze u relevantnim naučnim bazama podataka;
- c) pokazane nastavničke sposobnosti.

Također, Komisija konstatira da se, u skladu s članom 102, stav (2) ZVO/17 objavljeni radovi, knjige i rezultati vlastitih istraživanja u primjeni, projekti i drugo se vrednuju samo ukoliko su nastali u vremenu od posljednjeg izbora u zvanje. U tom smislu će Komisija cijeniti uslove od posljednjeg izbora u zvanje višeg asistenta.

2. Pregled osnovnih biografskih podataka prijavljenog kandidata

2.1. Podaci o formalnom obrazovanju

Dr. sc. Tahir Herenda rođen je 20. decembra 1993. godine. Osnovno i srednjoškolsko obrazovanje stekao je u Sarajevu.

Kandidat je 2016. godine završio univerzitetski diplomski studij prava na Pravnom fakultetu Univerziteta u Sarajevu sa prosječnom ocjenom 9,58. Zbog izvanrednog uspjeha tokom studija, odlikovan je „Zlatnom značkom Univerziteta u Sarajevu“ 2016. godine.

Drugi ciklus studija (master studij) kandidat je završio 2018. godine na Pravnom fakultetu Univerziteta u Sarajevu sa prosječnom ocjenom 9,60. Zbog izvanrednog uspjeha, ponovo je odlikovan „Zlatnom značkom Univerziteta u Sarajevu“ 2018. godine.

Pored toga, kandidat je 2020. godine završio i master studij iz komparativnog ustavnog prava na Centralnom Evropskom Univerzitetu (CEU) u Budimpešti, gdje je diplomirao sa zaslugama. Kandidat je upisao doktorski studij na Pravnom fakultetu Univerziteta u Sarajevu 2018. godine, a odbranom doktorske disertacije 2026. pod naslovom „Formiranje, struktura i funkcionisanje nametnutih post-konfliktnih konsocijacija“ stekao je zvanje doktora pravnih nauka, sa prosječnom ocjenom 9,78 tokom studija.

2.2. Podaci o drugim oblicima obrazovanja

Pored formalnog obrazovanja, kandidat je pohađao razne druge oblike cjeloživotnog obrazovanja, od kojih se izdvajaju:

- Ljetna škola „Professional Development in University Teaching and Learning“, Centralni Evropski Univerzitet, Budimpešta (2023), akreditovana sa 1 ECTS bodom;
- Program „TRAIN“ (Training & Research for Academic Newcomers) – program cjeloživotnog učenja u oblasti pedagoškog obrazovanja Univerziteta u Sarajevu (2019);
- Škola medijskog prava – u organizaciji OSCE i Pravnog fakulteta Univerziteta u Sarajevu (2021);
- Akademija medijskog prava – u organizaciji Konrad Adenauer Stiftung i Pravnog fakulteta Univerziteta u Sarajevu (2021).

2.3. Podaci o radnom iskustvu i drugim radnim angažmanima

Kandidat je od 2016. godine stekao bogato radno i akademsko iskustvo:

- 2016: Saradnik u pravnom odjelu KPMG Tax&Advisory, Sarajevo;
- 2017-2018: Saradnik u pravnom odjelu Bosna Bank International d.d., Sarajevo;
- 2017-2021: Asistent na naučnoj oblasti Historija države i prava na Pravnom fakultetu Univerziteta u Zenici;
- 2018-2022: Stručni saradnik na naučnoj oblasti Komparativno pravo na Pravnom fakultetu Univerziteta u Sarajevu;
- 2022-danas: Viši asistent na naučnoj oblasti Komparativno pravo na Pravnom fakultetu Univerziteta u Sarajevu.

Pored radnog iskustva na Univerzitetu, kandidat je imao razne druge akademske, stručne i društvene angažmane, od kojih se izdvajaju:

- Dužnosti sekretara Katedre za pravnu historiju i komparativno pravo;

- Trener Moot Court timova (Price Media Law Moot Court Competition – University of Oxford);
- Koordinator Škole medijskog prava u organizaciji OSCE i Pravnog fakulteta;
- Edukator na seminarima o medijskim pravima i ljudskim pravima.

2.4. Stručno i naučno usavršavanje u inostranstvu

Tokom svog dosadašnjeg akademskog rada, kandidat je obavio više istraživačkih boravaka na naučnim institucijama izvan Bosne i Hercegovine:

- Max Planck Institut za uporedno javno pravo i međunarodno pravo: istraživačka posjeta na projektu o aranžmanima za podjelu moći (mart 2020. – skraćeno zbog pandemije COVID-19);
- Karl Franzens Universität Graz: istraživanje na temu „Formiranje, struktura i funkcionisanje postkonfliktnih i nametnutih konsocijacija“ (mart - maj 2022.);
- Europa Institut Saarbrücken/Univerzitet Saarland: istraživanje na istu temu (oktobar/novembar 2023);
- Univerzitet u Sieni: nastavna mobilnost (novembar 2025);
- Univerzitet u Salentu: nastavna mobilnost (februar 2026);
- Univerzitet u Cagliariu: nastavna mobilnost (mart 2026).

2.5. Stipendije, nagrade i priznanja

Kandidat je dobio sljedeće stipendije, nagrade i priznanja:

- Zlatna značka Univerziteta u Sarajevu (2016. i 2018. godine) za izvanredan uspjeh na I i II ciklusu studija;
- Diplomirao sa zaslugama na Centralnom Evropskom Univerzitetu - master studij iz komparativnog ustavnog prava (2020);
- Nagrada za rezultate naučnog rada u 2021. godini: Univerzitet u Sarajevu;
- Stipendija Europa Instituta Univerziteta u Saarlandu (2023);
- Priznanje za rezultate u naučnoistraživačkom radu i doprinos internacionalizaciji Pravnog fakulteta Univerziteta u Sarajevu (2026).

Komisija u nastavku razmatra ispunjenost uslova za izbor u akademsko zvanje docent na naučnoj oblasti Komparativno pravo.

3. Uslov vezan za naučni stepen doktora nauka iz oblasti Komparativno pravo

Kandidat je, odbranom doktorske disertacije pod naslovom „Formiranje, struktura i funkcionisanje nametnutih post-konfliktnih konsocijacija“ stekao zvanje doktora pravnih nauka na Univerzitetu u Sarajevu. Studij je okončao sa prosječnom ocjenom 9,78.

S obzirom da je članom 112, stav 2, pod d) ZVO propisano da je izbor u akademsko zvanje docent uvjetovano postignutim naučnim **stepenom doktora u naučnoj oblasti na koju se bira**, Komisija konstatira sljedeće:

- Kandidat je pohađao doktorski studij na Pravnom fakultetu Univerziteta u Sarajevu **i to na Pravno-historijskom i komparativno pravnom smjeru;**
- Uvidom u doktorsku disertaciju kandidata pod naslovom „Formiranje, struktura i funkcionisanje nametnutih post-konfliktnih konsocijacija“ Komisija je zaključila da se radi o interdisciplinarnoj disertaciji, u kojoj dominira **komparativno ustavno pravo**, u metodološkom i sadržajnom smislu. Doktorska disertacija kandidata **predstavlja pionirsko i detaljno komparativno istraživanje ustavnih modela Kipra, Bosne i Hercegovine i Sjeverne Irske**, kao tri primjera post-konfliktnih konsocijacija. U svojoj disertaciji kandidat uspješno ispituje ulogu vanjskih aktera, posebno matičnih država/kin state-a, u historiji i funkcioniranju ustavnih struktura ova tri sistema. Time se daje značajan doprinos literaturi o konsocijacijskoj demokratiji, i to jednako literaturi komparativnog ustavnog prava te historijskih i političkih nauka.

4. Uslov vezan za objavljene radove

4.1. Radovi objavljeni do izbora u akademsko zvanje viši asistent

Komisija, na osnovu uvida u listu publikacija i odgovarajuće internetske poveznice, konstatira da je kandidat do posljednjeg izbora u akademsko zvanje (zvanje višeg asistenta) objavio sljedeće naučne radove, publicirane u relevantnim naučnim casopisima i/ili zbornicima prestižnih izdavača:

- „Sacrificing Privacy in the Fight Against Pandemics: How Far is Too Far? Examples from Bosnia and Herzegovina and Montenegro“ u: Balkan Yearbook of European and International Law 2020 (koautorstvo sa Nasirom Muftićem);

- “Mogućnost zloupotrebe prava u postupku javnog nadmetanja za prodaju nekretnina u izvršnom postupku u pravu BiH” u: Zbornik Pravnog fakulteta u Zagrebu, 71, 2021 broj 3-4, 301-346. (koautorstvo sa Melihom Povlakić i Nasirom Muftićem);
- “Mogućnost zloupotrebe procesnih prava prilikom prodaje nekretnine na trećem ročištu i za cijenu manju od procijenjene vrijednosti – Bosna i Hercegovina i komparativno pravo”, Godišnjak Pravnog fakulteta u Sarajevu, 2021, 183-225. (koautorstvo sa Melihom Povlakić i Nasirom Muftićem);

Komisija konstatira da je kandidat do izbora u zvanje višeg asistenta objavio i sljedeće radove u akademski relevantnim formatima:

- Prikaz knjige/zbornika: „Power-sharing u Evropi: Ranije prakse, postojeći slučajevi i budući smjerovi“ u: Pravna misao 03/04 – 2021;
- "Prava porodilja na naknadu plate: Postojeći problemi i potencijalna rješenja" (2017) Dostupno na internet stranici Inicijative za monitoring EU integracija u BiH
- Autor u kolumni „Pitanja i odgovori“ u ZIPS seriji: 2019 (broj 1403, u koautorstvu sa Nasirom Muftićem) 2019 (broj 1410, 1411, 1412, u koautorstvu sa Melihom Povlakić i Nasirom Muftićem);
- Esej „Pandemija kao alat za učvršćivanje moći: Vladavina dekretom u Mađarskoj“ u seriji „Pandemija i pravo“ Pravnog fakulteta Univerziteta u Sarajevu (2020);
- Izvještaj - Webinar „Sloboda izražavanja u XXI stoljeću: izazovi i perspektive“ u: Pravna misao 05/06 – 2021;
- “Sloboda pristupa informacijama” - Tekst objavljen u sklopu projekta “Suppressing Hate Speech Through Empowerment of Youth” Inicijativa mladih za ljudska prava u BiH i Global Analitika
- “Medijska pismenost - priručnik za podučavanje u okviru projekta” u okviru projekta “Suzbijanje govora mržnje kroz osnaživanje mladih” (2021), Inicijativa mladih za ljudska prava u BiH i Global Analitike;
- Political Horse-Trading at High Costs: Genocide Denial, Power-Sharing and the Freedom of Expression in Bosnia and Herzegovina, VerfBlog, 2022/2/14.
- Inkriminacija negiranja genocida u BiH: između bh. politike i slobode izražavanja, Inicijativa mladih za ljudska prava, Sarajevo, 2022. (koautorstvo sa Harunom Išerićem i Nasirom Muftićem);

4.2. Radovi objavljeni nakon izbora u akademsko zvanje viši asistent

Komisija, na osnovu liste publikacija i dostavljenih kopija radova, konstatira da je kandidat nakon izbora u akademsko zvanje viši asistent na naučnoj oblasti Komparativno pravo objavio sljedeće naučne radove:

- Poglavlje u knjizi: „Regulation of audiovisual media in Bosnia and Herzegovina – an overview: is the cure worse than the disease?“ U *Media Regulation during the COVID-19 Pandemic: A Study from Central and Eastern Europe*, uredili Gergely Gosztonyi i Elena Lazar, 217–240. UK: Ethics International Press Ltd, 2023. (koautorstvo sa Nasir Muftić);
- Poglavlje u knjizi: „Citizens’ Assembly in Bosnia and Herzegovina: Opening the Window to Deliberative Democracy.“ U *The Dilemma of Constitutional Reform in Bosnia and Herzegovina: Discussing Options with a View to EU Accession*, uredili Maja Sahadžić, Tatjana Sekulić, Nevenko Vranješ i Jens Woelk, 298–321. Leiden: Brill | Nijhoff, 2024. (koautorstvo sa Harun Išerić);
- Članak u časopisu: „The path dependency of power-sharing: Bosnia and Herzegovina's, Cyprus', and Lebanon's first experiences with popular representation.“ *Studies in Ethnicity and Nationalism* 24, br. 3 (2024): 1–16.
- Članak u časopisu: „Imposing the Outcome vs. Imposing the Process: Lessons on Dependency Syndrome from Bosnia and Herzegovina and Northern Ireland.“ *Nationalism and Ethnic Politics* 32, br. 1 (2026).

Komisija konstatira da je u istom zvanju kandidat objavio i jedan prikaz knjige u relevantnoj publikaciji:

- „An Uncharted Transition: The Balkans in the Post-Wall Era“ (prikaz knjige Christopha Solioza). *Pravna misao* (Sarajevo), br. 3-4 (2025): 62–66.

Pored toga, kandidat je u ovom zvanju objavio i druge radove od akademske relevantnosti:

- Political Pluralism and the Camel’s Back: The High Representative Unblocks the Federation of Bosnia and Herzegovina, VerfBlog, 2023/5/17,

<https://verfassungsblog.de/political-pluralism-and-the-camels-back/>

DOI:

10.17176/20230518-020242-0. Pristupljeno 24. jula 2026.

- Analiza Nacrta Zakona o izmjenama i dopunama Krivičnog zakonika Republike Srpske, Mreža progresivnih inicijativa (2023): <https://mpi.ba/analiza-nacrta-zakona-o-izmjenama-i-dopunama-krivicnog-zakonika-republike-srpske-uticaj-na-slobode-medija-gradanskog-drustva-i-slobodu-izrazavanja/> Pristupljeno: 24. jula 2026.
- Dvadeset godina od sloma „Aprilskog paketa“, Nomad.ba: <https://nomad.ba/herenda-dvadeset-godina-od-sloma-aprilskog-paketa> Pristupljeno: 24. jula 2026.

Imajući u vidu navedenu listu publikacija, Komisija zaključuje da je kandidat dr. sc. Tahir Herenda nakon izbora u akademsko zvanje viši asistent objavio ukupno **četiri (4) naučna rada, jedan (1) prikaz i tri (3) stručne analize**.

U odnosu na kriterij kategorizacije radova, Komisija konstatira da sva četiri (4) naučna rada spadaju u kategoriju **izvorni naučni rad**, dok se ostale publikacije mogu kategorizirati kao **stručni radovi**.

U nastavku se iznosi komisijska analiza/ocjena navedena četiri naučna rada:

1. „Regulation of audiovisual media in Bosnia and Herzegovina – an overview: is the cure worse than the disease?“ U *Media Regulation during the COVID-19 Pandemic: A Study from Central and Eastern Europe*, uredili Gergely Gosztanyi i Elena Lazar, 217–240. UK: Ethics International Press Ltd, 2023.

Kategorizacija	Izvorni naučni rad
Naučne baze / Izdavač	- Ethics International Press Ltd, Cambridge, United Kingdom - Nezavisni akademski izdavač
Komisijska analiza rada	Rad pruža temeljnu komparativno-pravnu analizu mjera ograničenja slobode izražavanja tokom pandemije u Bosni i Hercegovini, s posebnim fokusom na Republiku Srpsku i Brčko Distrikt. Autori uspješno postavljaju normativni okvir unutar složenog ustavnog i medijskog sistema BiH, što omogućava jasno razumijevanje konteksta ograničenja. Primjena trodijelnog testa

	iz člana 10 Evropske konvencije provedena je precizno i argumentirano, uz oslonac na relevantne izvore i sudsku praksu. Komparativni pristup je osnažen upotrebom komparativnih slučajeva iz prakse ESLJP-a, uključujući i relevantne odluke o pandemijskim mjerama. Rad predstavlja originalan, kritički i naučno relevantan prilog koji nedvosmisleno potvrđuje visok nivo autorskih kompetencija u oblasti komparativnog prava i ljudskih prava.
--	---

2. „Citizens’ Assembly in Bosnia and Herzegovina: Opening the Window to Deliberative Democracy.“ U *The Dilemma of Constitutional Reform in Bosnia and Herzegovina: Discussing Options with a View to EU Accession*, uredili Maja Sahadžić, Tatjana Sekulić, Nevenko Vranješ i Jens Woelk, 298–321. Leiden: Brill | Nijhoff, 2024.

Kategorizacija	Izvorni naučni rad
Naučne baze / Izdavač	- Brill - Nijhoff ; - Međunarodni akademski izdavač najvećeg ugleda; - Rad objavljen u sklopu međunarodne serije "Studies in Territorial and Cultural Diversity Governance" Vol. 25, ISSN: 2213-2570; - Scopus Book Series Indeks: ISSN: 2213-2570) - Web of Science (Book Citation Index - BKCI)
Komisijska analiza rada	Autor uspješno komparativno pozicionira bosanskohercegovačka iskustva u širi kontekst Sjeverne Irske i Belgije, čime potvrđuje teorijsku utemeljenost zaključaka o dometima deliberativne demokratije u podijeljenim društvima. Rad nudi uravnoteženu i kritičku ocjenu, prepoznajući kako potencijal tako i ograničenja analiziranih - deliberativnih procesa. Posebno je vrijedan institucionalni prijedlog za unapređenje deliberativne demokratije kroz izmjene zakona i poslovnika, čime rad prevazilazi puku deskripciju i nudi konkretna rješenja.

	Metodološki je rad utemeljen na kombinaciji analize primarnih izvora i relevantne literature, što svjedoči o visokom nivou istraživačke discipline.
--	---

3. Herenda, Tahir. „The path dependency of power-sharing: Bosnia and Herzegovina's, Cyprus', and Lebanon's first experiences with popular representation.“ *Studies in Ethnicity and Nationalism* 24, br. 3 (2024): 1–16.

Kategorizacija	Izvorni naučni rad
Naučne baze / Izdavač	- Renomirani međunarodni akademski izdavač Wiley-Blackwell u saradnji sa Asocijacijom za proučavanje etniciteta i nacionalizma (ASEN) - Indeksiran u: Academic Search (EBSCO), Academic Search Alumni Edition (EBSCO), Academic Search Complete (EBSCO), Academic Search Elite (EBSCO), Academic Search Premier (EBSCO), America: History & Life (EBSCO), CatchWord, EBSCO Discovery Service, Emerging Sources Citation Index (Clarivate Analytics), FINDEX, Historical Abstracts (EBSCO), InfoTrac, International Bibliography of the Social Sciences (IBSS), International Political Science Abstracts (IPSA), Modern Language Association Database (MLA), Political Science Complete (EBSCO), Scopus (Elsevier), Social Services Abstracts (ProQuest), Sociological Abstracts (ProQuest), Worldwide Political Science Abstracts (ProQuest). - Kvartil: Q3 (Sociology and Political Science / Social Sciences).
Komisijska analiza rada	Rad predstavlja originalan, teorijski utemeljen i metodološki dosljedan komparativnopravni i politološki doprinos koji na visokom nivou analizira historijske korijene institucionalnog dizajna u tri podijeljena društva. Autor uspješno primjenjuje teorijski okvir historijski utemeljenih ustanoav i "path dependency" koncept i teoriju legitimiteta. Komparativni pristup

	je izuzetno dobro osmišljen – odabir Bosne i Hercegovine, Kipra i Libana kao slučajeva sa zajedničkim osmanskim naslijeđem, ali različitim kolonijalnim iskustvima, omogućava uvjerljivu analizu sličnosti i razlika u institucionalnom razvitku. Autor na sistematičan način rekonstruiše institucionalni razvoj od osmanskog millet sistema preko tanzimatskih reformi do kolonijalnih uprava, pokazujući kako je odluka da se reprezentacija zasniva na vjerskoj pripadnosti postala "zaključana" i samoodrživa. Posebna vrijednost rada je u tome što ne pruža samo deskriptivnu historijsku analizu, već nudi i objašnjenje mehanizama koji omogućavaju reprodukciju etničkih podjela kroz institucionalne povratne sprege (feedback loops), što predstavlja značajan teorijski doprinos. Autor uvjerljivo argumentira da su evropske kolonijalne sile (Austro-Ugarska, Velika Britanija, Francuska) svjesno ili nesvjesno nastavile osmanskim putem korporativne reprezentacije, vođene pragmatizmom, geopolitičkim interesima i ograničenom posvećenošću stvarnoj modernizaciji. Metodološki, rad uspješno kombinira komparativnu historijsku analizu, institucionalnu teoriju i konceptualnu analizu, što ga čini interdisciplinarnim i relevantnim za oblast komparativnog prava, političkih nauka i studija nacionalizma
--	---

4. „Imposing the Outcome vs. Imposing the Process: Lessons on Dependency Syndrome from Bosnia and Herzegovina and Northern Ireland.“ *Nationalism and Ethnic Politics* 32, br. 1 (2026).

Kategorizacija	Izvorni naučni rad
Naučne baze / Izdavač	- Ugledni međunarodni akademski izdavač Routledge/Taylor & Francis - Indeksiran u: America: History & Life; ASSIA: Applied Social Sciences Index & Abstracts; CSA; EBSCOhost Online Research Databases; Elsevier GEOBASE; ESCI*;

	Family Index Database; Geographical Abstracts (GeoAbstracts) - Human Geography; Historical Abstracts; International Bibliography of the Social Sciences (IBSS); International Political Science Abstracts; OCLC; Elsevier Scopus; Thomson Reuters Emerging Sources Citation Index; - Kvartil: Q2 (Political Science and International Relations / Social Sciences)
Komisijska analiza rada	Autor uspješno razvija konceptualni okvir razlikovanja "nametanja ishoda" i "nametanja procesa". Uvjerljivo argumentira da je strateška koherentnost eksternih aktera ključna varijabla koja determinira uspjeh mirovnih procesa. Rad nudi detaljnu i nijansiranu analizu prve decenije post-dejtonske BiH, sa posebnim fokusom na mandate prvih visokih predstavnika, te uvjerljivo dokazuje nedostatak strateškog pristupa i koherencije „međunarodne zajednice“. Autor identificira "sindrom zavisnosti" kao ključni problemski obrazac bosanskohercegovačkog ustavno-političkog sistema te ga povezuje sa načinom na koji je Daytonski sporazum usvojen i implementiran. Komparativni dio o Sjevernoj Irskoj je izuzetno dobro dokumentiran. Rad kritički propituje dosadašnju literaturu o konsocijacijskoj demokratiji, posebno u dijelu koji se odnosi na ulogu eksternih aktera te nudi nove uvide o uslovima pod kojima "teška ruka" može biti efikasna. Metodološki, rad je utemeljen na kombinaciji analize primarnih izvora i relevantne literature, što svjedoči o visokom nivou istraživačke discipline autora.

5. Uslov vezan za nastavničke sposobnosti:

Komisija konstatira da je dr. sc. Tahir Herenda od 2018. godine uključen u realizaciju nastave na Pravnom fakultetu Univerziteta u Sarajevu **na predmetima Katedre za pravnu historiju i komparativno pravo.**

Na prvom ciklusu studija to su predmeti:



- Historija države Bosne i Hercegovine
- Historija prava Bosne i Hercegovine

Na drugom ciklusu, to su nastavni predmeti na Komparativno-pravnom smjeru:

- Recepcija prava u jugoistočnoj Evropi
- Pravni pluralizam u Bosni i Hercegovini

U odnosu na stečene nastavničke sposobnosti, Komisija dodatno konstatira da je kandidat **uspješno apsolvirao i odgovarajuću obuku - „TRAIN“** (Training & Research for Academic Newcomers), koji predstavlja program cjeloživotnog učenja u oblasti pedagoškog obrazovanja i jačanja kompetencija akademskog osoblja Univerziteta u Sarajevu, a koji se vrednuje sa ukupno 6 ECTS bodova.

Komisija konstatira da je kandidat **pohađao međunarodnu ljetnu školu na Centralo Evropskom Univerzitetu pod nazivom 'Professional Development in University Teaching and Learning' (Budimpešta, 2023)**, koja je akreditirana sa 1 ECTS bodom. U okviru ovog programa kandidat stjecao znanja i vještine savremenih nastavnih metoda u visokom obrazovanju, usmjerene na ishodovno bazirano učenje, interaktivnu nastavu te unapređenje evaluacijskih i mentorskih tehnika.

Pored toga, potvrdu o dokazanim nastavničkim sposobnostima, Komisija je dobila uvidom u **Potvrdu Odbora za osiguranje kvaliteta Univerziteta u Sarajevu – Pravnog fakulteta o evaluaciji akademskog osoblja i rezultate evaluacije rada akademskog osoblja sa e-uns platforme.**

Komisija konstatira da je kandidat **redovno ocjenjivan pozitivnim i visokim ocjenama** te je dobio **pohvale za rad u nastavi** od anketiranih studenata i studentica I i II ciklusa studija.

Komisija u nastavku razmatra ostale kvalifikacije kandidata.

6. Ostale kvalifikacije

6.1. Naučni projekti

Komisija konstatira da je kandidat dr. Tahir Herenda učestvovao u realizaciji više naučnih i stručnih projekata:

- **Projekat: "Legal essentials"** (2022-2023) - Pravni fakultet Univerziteta u Sarajevu i Akademija likovnih umjetnosti Univerziteta u Sarajevu). Kandidat je bio saradnik na projektu.
- **Projekat „Istraživanje pravnih transplanta u Bosni i Hercegovini: prošlost, sadašnjost i evropska budućnost“ (2024–2025):** Kandidat je bio istraživač na projektu koji istražuje fenomen pravnih transplanta u Bosni i Hercegovini u kontekstu reforme - potencijalnih budućih transplanta ustavnog/političkog uređenja.
- **Projekat „Zemaljski kontinuitet BiH: virtualna zbirka državnopravnih dokumenata sa komentarima“ (2019–2025):** Kandidat je bio saradnik projektu, koji je rezultirao digitalizacijom, naučnom obradom i internetskom publikacijom virtualne zbirke državnopravnih dokumenata vezanih za Bosnu i Hercegovinu (Komisija konstatira da je navedena adresa trenutno neaktivna).
- **Projekat „Sudbina sarajevskih vakufa“ (2019-2022):** Kandidat je bio saradnik na projektu koji se bavi istraživanjem pravne sudbine vakufskih nekretnina u Bosni i Hercegovini u XX stoljeću, sa posebnim fokusom na sarajevske vakufe. Projekat je realiziran uz aktivnu saradnju sa sljedećim institucijama: Vakufska direkcija Islamske zajednice u BiH, Gazi Husrev-begova Biblioteka, Historijski arhiv Sarajevo.

6.2. Naučne i stručne konferencije, skupovi i seminari

Komisija konstatira da je kandidat dr. Tahir Herenda učestvovao u sljedećim javnim naučnim i stručnim manifestacijama:

- 15. septembar 2020. – Pandemija COVID-19 i pravni sistem Bosne i Hercegovine (online platforma) – Član panela koji raspravlja o utjecaju COVID-19 na javno pravo.
- 18. novembar 2020. – Poštivanje ljudskih prava u BiH tokom pandemije COVID-19 (online platforma) – Učešće na panelu. Organizator: Pravni fakultet Univerziteta u Sarajevu uz podršku Fondacije Konrad Adenauer.
- 27. april 2021. – Sloboda izražavanja u 21. vijeku – izazovi i perspektive (online platforma) – Izlagač na temu samoregulacije društvenih medija kao dio sesije panela o ulozi i odgovornosti medija za sadržaj koji oni pružaju; Moderator u panel diskusiji o različitim novim načinima izražavanja koje omogućava online okruženje.
- 26. septembar 2021. – Naučna konferencija: "Razvoj naučnih disciplina na Pravnom fakultetu Univerziteta u Sarajevu" (Sarajevo) – Izlagač na temu "Razvoj



komparativnog prava na Pravnom fakultetu Univerziteta u Sarajevu", zajedno sa Amilom Svraka-Imamović.

- 30. septembar 2022. – Audiovisual Media Regulation during the COVID-19 in Central and Eastern Europe (Budimpešta, online konferencija) – Izlagač.
- 26–30. juni 2023. – Professional Development in University Teaching and Learning (Budimpešta) – Program namijenjen profesionalnom razvoju nastavnika u visokom obrazovanju, organizovan od strane Open Society University Networka i Centralno-Evropskog Univerziteta, akreditovan 1 ECTS bodom.
- 9. oktobar 2025. – Međunarodna naučna konferencija "Peace, Power-Sharing and Citizen Inclusion" (Sarajevo) – Izlagač i panelist na panelu "Panel II: Electoral System Design and Representation". Predstavljen naučni rad pod naslovom "From Belfast to Sarajevo: Piloting the Single Transferable Vote in the Federation of Bosnia and Herzegovina". Konferenciju su zajednički organizirali Univerzitet u Sarajevu i Brandon University.
- 22. novembar 2025. – Međunarodna konferencija "30 godina poslije Dayton: Mitovi, realnosti i nove vizije budućnosti Bosne i Hercegovine" (Sarajevo) – Izlagač i panelist na panelu "Između međunarodne i domaće odgovornosti: Razvoj političke arhitekture Bosne i Hercegovine". Organizator: Univerzitet u Sarajevu.
- 22. novembar 2025. – Međunarodna konferencija "30 godina poslije Dayton: Mitovi, realnosti i nove vizije budućnosti Bosne i Hercegovine" (Sarajevo) – Sudionik okruglog stola namijenjenog mladim istraživačima pod nazivom "Young Scholars' Roundtable: Young Scholars on the Challenges and Perspectives for BiH's Constitutional Future".

6.3. Doprinos internacionalizaciji Univerziteta

Komisija konstatira da je kandidat ostvario značajnu međunarodnu nastavnu i istraživačku mobilnost i da je doprinio i internacionalizaciji Univerziteta u Sarajevu, o čemu svjedoče sljedeće aktivnosti:

- Završio master studije iz komparativnog ustavnog prava na jednom od najprestižnijih međunarodnih univerziteta u regionu Central European University (Budimpešta);
- Obavio je istraživačke posjete u renomiranim institucijama: Max Planck Institute for Comparative Public Law and International Law (Heidelberg, 2020), Karl Franzens Universität Graz (2022), Europa-Institut Saarbrücken / Universität des Saarlandes (2023);



- Objavio je više radova u publikacijama renomiranih inostranih izdavača;
- Kao trener na međunarodnim takmičenjima studenata UNSA ostvario značajne uspjehe;
- Obavio nastavne mobilnosti na univerzitetima u Sieni, Salentu, Cagliariu i dr.

6.4.Društveni angažman

Komisija konstatira da je kandidat dr. Tahir Herenda u svom dosadašnjem akademskom radu i djelovanju ostvario i važan širi - društveni angažman, a najviše kroz pisanje za širu javnost (blogovi, stručna periodika i sl), kreiranju edukativnih priručnika, ekspertizama za domaće institucije, javnim panel diskusijama, te učešću u umjetničko-dokumentarnom projektu o Dejtonskom sporazumu. Njegov doprinos je posebno vidljiv u oblasti komparativnog ustavnog prava, medijskog prava, slobode izražavanja, suzbijanja govora mržnje i medijske pismenosti.

Imajući u vidu sve navedeno, Komisija donosi sljedeću

ZAKLJUČNU OCJENU I PRIJEDLOG

Na konkurs za izbor jednog nastavnika u akademsko zvanje docent na naučnoj oblasti Komparativno pravo na Pravnom fakultetu Univerziteta u Sarajevu prijavio se **jedan (1) kandidat:**

- **Dr. sc. Tahir Herenda, viši asistent na naučnoj oblasti Komparativno pravo na Pravnom fakultetu Univerziteta u Sarajevu.**

Analizom podnesene prijave i dokumentacije navedenog kandidata, Komisija procjenjuje da se radi kandidatu koji je ostvario izuzetne rezultate u svom dosadašnjem akademskom, naučnom i nastavnom radu, kao i o kandidatu sa značajnim društvenim angažmanom. Komisija je zaključila da je kandidat završio doktorski studij i odbranio doktorsku disertaciju iz oblasti komparativnog prava; da je u zvanju višeg asistenta objavio 4 naučna rada i jedan prikaz u relevantnim naučnim publikacijama, od čega su svi naučni radovi iz navedene oblasti ili interdisciplinarni koji uključuju oblast komparativno pravo; te da je realizirao brojne naučno-istraživačke, nastavne i stručne projekte, sa domaćim i međunarodnim predznakom. Kandidat ima saradnju sa uglednim naučnim institucijama u zemlji i inostranstvu, čime daje doprinos u razvoju komparativnog prava kao discipline, kao i internacionalizaciji i vidljivosti domaće nauke i Univerziteta u Sarajevu.



Komisija posebno i konkretno cijeni:

1. Titulu doktora iz predmetne naučne oblasti (Komparativno pravo)

Kandidat je 2026. godine na Pravnom fakultetu Univerziteta u Sarajevu odbranio doktorsku disertaciju pod naslovom "Formiranje, struktura i funkcionisanje nametnutih post-konfliktnih konsocijacija", čime je stekao zvanje doktora pravnih nauka. Studij je apsolviran i disertacija odbranjena na **Pravno-historijskom i komparativno-pravnom smjeru**, a po svom sadržaju, metodologiji i predmetu istraživanja **pripada oblasti komparativnog prava**. Time je u cijelosti ispunjen uslov propisan članom 96. stav (1) tačka d) ZVO/17 za izbor u zvanje docenta.

2. Naučno-istraživački rad

Kandidat je nakon posljednjeg izbora u zvanje višeg asistenta objavio **četiri (4) izvorna naučna rada i jedan prikaz**, od kojih su tri objavljena u renomiranim međunarodnim publikacijama prestižnih izdavača (Brill, Routledge/Taylor & Francis, Wiley-Blackwell). Radovi su indeksirani u relevantnim naučnim bazama podataka, čime je u znatnoj mjeri ispunjen i premašen uslov propisan članom 96. stav (1) tačka d) ZVO/17.

3. Pokazane nastavničke sposobnosti

Kandidat je od 2018. godine kontinuirano angažiran na Pravnom fakultetu Univerziteta u Sarajevu u izvođenju nastave na nekoliko predmeta na prvom i drugom ciklusu studija na Katedri za pravnu historiju i komparativno pravo. **Uspješno je apsolvirao TRAIN** (Training & Research for Academic Newcomers) program cjeloživotnog učenja u oblasti pedagoškog obrazovanja i jačanja kompetencija akademskog osoblja Univerziteta u Sarajevu, koji se vrednuje sa 6 ECTS bodova te **međunarodnu ljetnu školu** savremenih nastavnih metoda u visokom obrazovanju na Centralo Evropskom Univerzitetu pod nazivom 'Professional Development in University Teaching and Learning' (Budimpešta, 2023), koja je akreditirana sa 1 ECTS bodom. **Redovne studentske evaluacije rada kandidata**, potvrđene kroz Potvrdu Odbora za osiguranje kvaliteta Univerziteta u Sarajevu - Pravnog fakulteta, **potvrđuju njegove izuzetne nastavničke sposobnosti**. Kandidat je ocjenjivan pozitivnim i visokim ocjenama te je dobio pohvale za rad u nastavi od anketiranih studenata i studentica I i II ciklusa studija.



Time je dokazana ispunjenost i uslova vezanog za pokazane nastavničke sposobnosti iz člana 96. stav (1) tačka d) ZVO/17.

4. Naučni projekti i doprinos internacionalizaciji

Kandidat je učestvovao u realizaciji više naučnih i stručnih projekata i ostvario značajnu međunarodnu nastavnu i istraživačku mobilnost i doprinio internacionalizaciji Univerziteta u Sarajevu.

5. Društveni angažman

Kandidat je u svom dosadašnjem akademskom radu i djelovanju ostvario i važan širi – društveni angažman, kroz pisanje za širu javnost, kreiranje edukativnih priručnika, izrada ekspertiza za domaće institucije te učešće u raznim javnim panel diskusijama i projektima.

Komisija jednoglasno ocjenjuje da kandidat dr. sc. Tahir Herenda ispunjava u znatno većoj mjeri sve zakonom propisane uslove za izbor u akademsko zvanje docenta na naučnoj oblasti Komparativno pravo te da svojim dosadašnjim radom i postignućima u potpunosti opravdava napredovanje u ovo zvanje. Komisija posebno cijeni njegov interdisciplinarni pristup, komparativnu metodu koja dominira njegovim naučnim radom, te sposobnost da rezultate svojih istraživanja aplicira u rješavanju aktuelnih društvenih i pravnih izazova.

Imajući u vidu sve navedene činjenice i konstatacije, Komisija jednoglasno zaključuje da kandidat ispunjava i sve uslove za izbor u akademsko zvanje docent koji su propisani Zakonom o visokom obrazovanju Kantona Sarajevo („Službene novine Kantona Sarajevo“, br.: 33/17, 35/20, 40/20 i 39/21) te Vijeću Pravnog fakulteta Univerziteta u Sarajevu upućuje



PRIJEDLOG

**da se dr. sc. Tahir Herenda izabere u akademsko zvanje docent na naučnoj oblasti
Komparativno pravo na Univerzitetu u Sarajevu - Pravnom fakultetu.**

KOMISIJA

Prof. dr. Mehmed Bečić

Prof. dr. Ehlimana Memišević

Doc. dr. Amila Svraka Imamović